

## II

(Gníomhartha neamhrechtacha)

## RIALACHÁIN

## RIALACHÁN CUR CHUN FEIDHME (AE) 2021/1791 ÓN gCOMHAIRLE

an 11 Deireadh Fómhair 2021

**lena gcuirtear chun feidhme Rialachán (AE) Uimh. 269/2014 a bhaineann le bearta sriantacha i ndáil le gníomhaíochtaí lena mbaintear an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad na gníomhaíochtaí sin ar an méid sin**

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) Uimh. 269/2014 ón gComhairle an 17 Márta 2014 maidir le bearta sriantacha i ndáil le gníomhaíochtaí lena mbaintear an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad na gníomhaíochtaí sin ar an méid sin <sup>(1)</sup>, agus go háirithe Airteagal 14(1) de,

Ag féachaint don togra ó Ardionadaí an Aontais do Ghnóthaí Eachtracha agus don Bheartas Slándála,

De bharr an mhéid seo a leanas:

- (1) An 17 Márta 2014, ghlac an Chomhairle Rialachán (AE) Uimh. 269/2014.
- (2) Ní aithníonn an tAontas Eorpach ionghabháil neamhdhleathach na Crimé agus Sevastopol a rinne Cónaidhm na Rúise.
- (3) Ó ionghabhadh Poblacht Fhénrialaitheach na Crimé agus cathair Sevastopol go neamhdhleathach, tá iarrachtaí leanúnacha á ndéanamh ag Cónaidhm na Rúise chun na críocha sin atá faoi fhorghabháil a chur faoi réir a smachta. Go háirithe, úsáideann Cónaidhm na Rúise cumhachtaí a breithiúna chun cos ar bolg a dhéanamh ar fhreasúróirí in aghaidh na hionghabhála neamhdhleathaí a rinne sí ar an gCrimé agus Sevastopol.
- (4) Tá roinnt breithiúna, ionchúisitheoirí agus oifigigh slándála freagrach as dlí na Rúise a fhorfheidhmiú sa Chrimé agus Sevastopol atá faoi fhorghabháil neamhdhleathach. Tá cinní claonta á ndéanamh ag na daoine sin in iliomad imeachtaí coiriúla arb í an pholaitíocht is siocair leo nó tá gníomhaithe ar son na hÚcráine á n-ionchúiseamh acu nó tá an feachtas cos ar bolg á ghéarú acu i gcoinne freasúróirí in aghaidh na hionghabhála neamhdhleathaí.
- (5) Measann an Chomhairle gur cheart ochtar a chur le liosta na ndaoine, na n-eintiteas agus na gcomhlachtaí atá faoi réir bearta sriantacha a leagtar amach in Iarscríbhinn I a ghabhann le Rialachán (AE) Uimh. 269/2014 mar gheall ar an ról atá acu chun an bonn a bhaint d'iomláine chríochach, de cheannasacht agus de neamhspleáchas na hÚcráine nó ar bagairt iad ar an méid sin.
- (6) Ba cheart, dá bhrí sin, Iarscríbhinn I a ghabhann le Rialachán (AE) Uimh. 269/2014 a leasú dá réir,

<sup>(1)</sup> IO L 78, 17.3.2014, lch. 6.

TAR ÉIS AN RIALACHÁN SEO A GHLACADH:

*Airteagal 1*

Cuirfear na daoine a liostaítear san Iarscríbhinn a ghabhann leis an gCinneadh seo leis an liosta a leagtar amach in Iarscríbhinn I a ghabhann le Rialachán (AE) Uimh. 269/2014.

*Airteagal 2*

Tiocfaidh an Rialachán seo i bhfeidhm ar dháta a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh i Lucsamburg, 11 Deireadh Fómhair 2021.

*Thar ceann na Comhairle*  
*An tUachtarán*  
J. PODGORŠEK

---

Cuirtear na daoine agus na heintitis seo a leanas le liosta na ndaoine nádúrtha agus dlítheanacha, na n-eintiteas, agus na gcomhlachtaí a leagtar amach in Iarscríbhinn I a ghabhann le Rialachán (AE) Uimh. 269/2014:

	Ainm	Faisnéis aitheantais	Cúiseanna	Dáta an liostaithe
193.	Mikhail Nikolayevich BELOUSOV (Михаил Николаевич Белоусов)	Inscne: Fireann Dáta breithe: 26.11.1964 Áit bhreithe: Russia Náisiúntacht: Úcránach, Rúiseach (ní aithníonn an tAontas pasanna arna n-eisiúint ag Cónaidhm na Rúise sa Chrimé) Seoladh: 117 Balaklavs'ka St, App 48, Simferopol, Crimea, Ukraine	Breitheamh sa Kievskiy District Courty in Simferopol. Rinne sé an iliomad cinntí i bhfabhar na Rúise sna cásanna arb í an pholaitíocht is siocair leo i gcoinne freasúróirí in aghaidh ionghabháil neamhdhleathach na Crimé agus Sevastopol. Mar bhreitheamh arna cheapadh ag Cónaidhm na Rúise, d'fhorfheidhmigh sé dlí na Rúise sa chríoch atá faoi fhorghabháil neamhdhleathach, agus dá bhrí sin thacaigh sé go gníomhach le gníomhaíochtaí agus chuir sé beartais chun feidhme a bhaineann an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad ar an méid sin.	11.10.2021
194.	Andrey Nikolayevich DOLGOPOLOV (Андрей Николаевич Долгополов)	Inscne: Fireann Dáta breithe: 15.2.1959 Áit bhreithe: Kyrgyzstan Náisiúntacht: Úcránach, Rúiseach (ní aithníonn an tAontas pasanna arna n-eisiúint ag Cónaidhm na Rúise sa Chrimé) Seoladh: 82 Peremohy Ave, App. 343, Simferopol, Crimea, Ukraine	Cathaoirleach ar an Kievskiy District Court in Simferopol. Rinne sé an iliomad cinntí i bhfabhar na Rúise sna cásanna arb í an pholaitíocht is siocair leo i gcoinne freasúróirí in aghaidh ionghabháil neamhdhleathach na Crimé agus Sevastopol. Mar bhreitheamh arna cheapadh ag Cónaidhm na Rúise, d'fhorfheidhmigh sé dlí na Rúise sa chríoch atá faoi fhorghabháil neamhdhleathach, agus dá bhrí sin thacaigh sé go gníomhach le gníomhaíochtaí agus chuir sé beartais chun feidhme a bhaineann an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad ar an méid sin.	11.10.2021
195.	Yevgeny Sergeyeovich KOLPIKOV (Евгений Сергеевич КОЛПИКОВ)	Inscne: Fireann Dáta breithe: 6.5.1974. Áit bhreithe: Beryozovskaya, Danilovsky District, Volgograd Oblast, Russia Náisiúntacht: Rúiseach	Ionchúisitheoir de chuid Military Prosecutor's Office of the Southern Military District of the Russian Federation in Rostov-on-Don. Chúisigh sé gníomhach ar son na hÚcráine a ndearnadh géarleanúint orthu mar gheall ar an easpa aitheantais a thug siad d'ionghabháil Leithinis na Crimé ag Cónaidhm na Rúise. Chuir sé cúiseanna os comhair na cúirte a bunaíodh ar chríoch na Rúise i gcoinne shaoránaigh na hÚcráine a aistríodh go héigeantach ó Leithinis na Crimé faoi fhorghabháil. Agus an méid sin á dhéanamh aige, chuir sé le sárú ag Cónaidhm na Rúise ar na hoibleagáidí maidir leis an dlí daonnúil a bhaineann leis an gcumhacht forghabhála, ar oibleagáidí iad nár cheart do na saoránaigh Úcránacha sin an chríoch Úcránach atá faoi fhorghabháil ag Cónaidhm na Rúise a fhágáil fúthu. Ar an mbealach sin thacaigh sé go gníomhach le gníomhaíochtaí agus chuir sé beartais chun feidhme a bhaineann an bonn d'iomláine chríochach, de cheannasacht agus de neamhspleáchas na hÚcráine.	11.10.2021

	Ainm	Faisnéis aitheantais	Cúiseanna	Dáta an liostaithe
		Seoladh: Military Prosecutor's Office of the Southern Military District of the Russian Federation. Pushkinskaya Ulitsa, 72A, Rostov, Rostov Oblast, Russia, 344022 Teil. (+ 7) 8863263-04-67, (+ 7) 8863282-79-68		
196.	Magomed Farmanovich MAGOMEDOV (Магомед Фарманович Магомедов)	Inscne: Fireann Dáta breithe: 5.2.1981	Imscrúdaitheoir cásanna speisialta ag First Investigation Department, Directorate for Investigation of Particularly Important Cases of the Main Investigation Department of the Investigative Committee of Russia for the Republic of Crimea and the city of Sevastopol.  Bhí sé rannpháirteach sna himscrúduithe coiriúla arb í an pholaitíocht is siocair leo i gcoinne ceannairí na Mejlis de chuid phobal Tatarach na Crimé a ionchúisíodh toisc gur chuir siad go gníomhach i gcoinne ionghabháil neamhdhleathach Leithinis na Crimé. Mar imscrúdaitheoir coiriúil arna cheapadh ag Cónaidhm na Rúise i Leithinis na Crimé faoi fhorghabháil, rannchuidigh sé le forfheidhmiú dhlí na Rúise sa chríoch atá faoi fhorghabháil agus dá bhrí sin thacaigh sé go gníomhach le gníomhaíochtaí agus chuir sé beartais chun feidhme a bhaineann an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad ar an méid sin.	11.10.2021
197.	Leonid Vladimirovich MIKHAYLUK (Леонид Владимирович МИХАЙЛЮК)	Inscne: Fireann Dáta breithe: 1.1.1970 NÓ 8.7.1963 Náisiúntacht: Rúiseach Seoladh (Obair): 295034, Simferopol, 13 I. Franko blvd., Crimea, Ukraine	Ceann an Federal Security Service (FSB) sa Chrimé agus Sevastopol agus ar an regional Anti-Terrorism Committee.  Bhí sé i gceannas ar fhórsaí FSB, a rinne an feachtas cos ar bolg a ghéarú in aghaidh freasúróirí ar fhorghabháil mhídhleathach Leithinis na Crimé ag Cónaidhm na Rúise. Aistríodh cuid de na gníomhaithe ar son na hÚcráine atá á gcoinneáil ag aonaid FSB faoina cheannas go héigeantach chuig Krasnodar agus Rostov-on-Don sa Rúis. Trí dhlí na Rúise a fhorfheidhmiú sa chríoch atá faoi fhorghabháil neamhdhleathach, thacaigh sé go gníomhach le gníomhaíochtaí agus chuir sé beartais chun feidhme a bhaineann an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad ar an méid sin.	11.10.2021

	Ainm	Faisnéis aitheantais	Cúiseanna	Dáta an liostaithe
198.	Viktor Anatolyevich MOZHELYANSKY (Виктор Анатольевич Можелянский)	Inscne: Fireann Dáta breithe: 10.5.1964 Áit bhreithe: Kharkiv Náisiúntacht: Úcránach, Rúiseach (ní aithníonn an tAontas pasanna arna n-eisiúint ag Cónaidhm na Rúise sa Chrimé) Seoladh: 35 Marshala Zhukova St, App. 53, Simferopol, Crimea, Ukraine or Anhars'ka St, 8 Simferopol, Crimea, Ukraine	Leaschathaoirleach ar an Central District Court in Simferopol agus iarbhreitheamh den Kievskiy District Court in Simferopol.  Rinne sé an iliomad cinntí i bhfabhar na Rúise sna cásanna arb í an pholaitíocht is siocair leo i gcoinne freasúróirí in aghaidh ionghabháil neamhdhleathach na Crimé agus Sevastopol. Mar bhreitheamh arna cheapadh ag Cónaidhm na Rúise, d'fhorfheidhmigh sé dlí na Rúise sa chríoch atá faoi fhorghabháil neamhdhleathach, agus dá bhrí sin thacaigh sé go gníomhach le gníomhaíochtaí agus chuir sé beartais chun feidhme a bhaineann an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad ar an méid sin.	11.10.2021
199.	Galina Vladimirovna REDKO (Редько Галина Владимировна)	Inscne: Baineann Dáta breithe: 22.3.1974 Áit bhreithe: Romany, Poltava Oblast, Ukraine Náisiúntacht: Úcránach, Rúiseach (ní aithníonn an tAontas pasanna arna n-eisiúint ag Cónaidhm na Rúise sa Chrimé)	Breitheamh den Supreme Court of the Republic of Crimea. Rinne sí an iliomad cinntí i bhfabhar na Rúise sna cásanna arb í an pholaitíocht is siocair leo i gcoinne freasúróirí in aghaidh ionghabháil neamhdhleathach na Crimé agus Sevastopol. Mar bhreitheamh arna cheapadh ag Cónaidhm na Rúise, d'fhorfheidhmigh sí dlí na Rúise i Leithinis na Crimé atá faoi fhorghabháil neamhdhleathach, agus dá bhrí sin thacaigh sí go gníomhach le gníomhaíochtaí agus chuir sí beartais chun feidhme a bhaineann an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad ar an méid sin.	11.10.2021
200.	Vladimir Nikolayevich TERENCEV (Владимир Николаевич Терентьев)	Inscne: Fireann Dáta breithe: 11.11.1977 Áit bhreithe: Voronezh, Russia Náisiúntacht: Rúiseach Uimhir an phas, uimhir aitheantais náisiúnta, uimhreacha doiciméad aitheantais eile: 03 01 118013	Ceann an Main Investigation Department of the Investigative Committee of Russia for the Republic of Crimea and the city of Sevastopol.  Rinne sé maoirseacht ar ghníomhaíochtaí an Choiste sna cásanna arb í an pholaitíocht is siocair leo i gcoinne na ngníomhaithe ar son na hÚcráine a ndearnadh géarleanúint orthu as a gcuid gníomhaíochtaí a bhí dírithe ar chur in aghaidh na hionghabhála neamhdhleathaí agus iomláine chríochach na hÚcráine a athbhunú.  Bhí sé i gceannas ar obair na n-imscrúdaitheoirí coiriúla a chabhraigh le dlí na Rúise a fhorfheidhmiú sa Chrimé agus in Sevastopol faoi fhorghabháil trí imeachtaí coiriúla a stiúradh os comhair cúirteanna na Rúise agus dá bharr sin thacaigh sé go gníomhach le gníomhaíochtaí agus chuir sé beartais chun feidhme a bhaineann an bonn d'iomláine chríochach, de cheannasacht agus de neamhspleáchas na hÚcráine, nó ar bagairt iad ar an méid sin.	11.10.2021"